

BUDGET 2011

Umkhombandlela woluntu



national treasury

Department:
National Treasury
REPUBLIC OF SOUTH AFRICA

Issued by National Treasury, Private Bag X115, Pretoria, 0001
Enquiries: Communications, Tel: (012) 315 5757, www.treasury.gov.za

Njalo ngoNholanja, uNgqongqoshe weZezimali wethula izinhlelo zeminyaka emithathu elandelanayo zesabelo sezimali, ukuqoqwa kwentela kanye nokwebolekwa kwemali ezimakethi zezimali kuleli naphesheya kwezilwandle. Ungqongqoshe uphinde achaze indlela okuhloswe ngayo ukusetshenziswa kwemali eyabelwe iminyango kahulumeni wesizwe, ohulumeni bezifundazwe kanye namantshontsho atholwa ohulumeni basekhaya.



UHULUMENI UZOXHASA UKUDALWA KWEMISEBENZI NGAMABHILYONI AMARANDI

Uhulumeni uzotshala amabiliyoni amarandi eminyakeni emithathu ezayo ukudala amathuba emisebenzi eNingizimu Afrika, ikakhulukazi amathuba olusha okuvilo oluntula imisebenzi kakhulu.

misebenzi ezodalwa yilomxhaso
ayihlanganisi amathuba emisebenzi
okulindleke ukuba adaleke
ngokutshalwa kwemali engu-R809
biliyoni (R809 billion) ekwakheni
imigwaqo, amadamu, izikhumulo
zemikhumbi, ojantshi, kanye
nokukhiqizwa kukagesi. Uhulumeni
uzophinde adale amathuba
emisebenzi yesikhashana ngokutshala
uR70 biliyoni (R70 billion) emisebenzini
yemiphakathi (public works).

Evula iphalamende, uMongameli uJacob Zuma uthe: "Unyaka ka 2011 unyaka wokudala amathuba emisebenzi ngokuguqula umnothongendlela efukula zonke izakhamuzi. Sikhuthaza yonke imikhakha nabobonke osomabhizinisi ukuba badale amathuba emisebenzi. Yonke imizamo ibalulekile."

UMongameli uZuma ubuye futhi wazisa ngokusungulwa kwesikhwama sika R9 bilivoni (R9 billion) sokukhuthaza

Lomxhaso uzosiza osomabhzinisi ukuguqula indlela
abasebenza ngavo babuve bahlise nezindleko

ukudalwa kwamathuba emisebenzi, ikakhulukazi leyo ezoqasha ulusha. Izicelo kulesikhwama zilindeleke ukuba ziqhamuke emikhakheni engaphansi kukahulumeni, osomabhizinisi azimele, izinhlangano ezizimele kanye nemihlandla yomphakathi. Uhulumeni unethemba lokuthi kuleminyaka emithathu ezayo lesikhwama sizodala imisebenzi elinganiselwa ku50 000 kuya ku 100 000.Uhulumeni uzophinde axhase ngoR5 billion ukukhuthaza abaqashi ukuthi banike ulusha amathuba emisebenzi.

Lokhu kungumzamo wokwehliza izindleko kubaqashi zokunika amathuba emisebenzi kulusha ukuze lukwazi ukuthuthukisa amakhono, okuzokwenza kubelula ukuthi luthole imisebenzi yesikhathi eside

"Ukubaluleka komsebenzi kungaphezulu kokuthola iholo nje. Umuntu osebenzayo unesithunzi futhi uyakwazi ukuzimela. Kuyintloso kahulumeni ukuqikelela ukuthi iningi labantu linesandla ekwakhiweni komnotho," kusho uNgqongqoshe weZimali
uPravin Gordhan

Uhhafu wolusha oluminyaka engaphansi kwamashumi amabili nanhlanu (25) belwentula imizebenzi ngonyaka odlule (2010). Umxhaso wamabiliyonini anguR5 (R5 billion) kuhloswe ngawo ukubhekana nalengwadla, kanti kulindeleke ukuba udale amathuba emisobenzi angu 178 000.

Amanye amathuba emisebenzi
kulindeleke ukuba avuleke ngenxa
yomxhaso ubulumeni azowunika

| ocozimbeni

Lomxhaso uzosiza osomabhzinisi ukuguqula indlela abasebenza ngayo babuye bahlise nezindleko. Lomxhaso uzokwelekelela osozimboni ukuba bathuthukise amakhono ezisebenzi ukuze zikwazi ukumelana noguquko esimweni sokusebenza

Imisebenzi ezodaleka ngokwakhiwa kanye nokuvuselela kwengqalasizinda (njengemigwaqo, amadamu amanzi kanye nokukhiqizwa kukagesi) izosiza ukuthuthukisa ukusebenza kangcono komnotho, okulindeleke ukuba kukhulise umnotho wezwe kuperhinde futhi kudale amanye amathuba emisebenzi.

Ngalezizinhlelo uhulumeni uzimisele
ukwehlisa izinga lokuntuleka
kwemisebenzi ezweni kanye
nokwenza ngcono izimpilo zabantu
benko

AMAZWIBELA ESABELO SEZIMALI KA 2011

Amazwibela ngesabelo eminyakeni emithathu elandelayo:

- Amabhiliyon angu-10 amarandi azosetshenziswa ukudala amathuba emisebenzi, ukuthuthukisa amabhizini amancane kanye nokuqashwa kwabantu abasha
- Amabhiliyon angu-9.5 amarandi azosetshenziselwa ukukhuphula inani labafundi kumakholeji kafet kanye nokuthuthukisa amakhono
- Amabhiliyon angu-8.2 amarandi azophucula izikolo
- Amabhiliyon angu-7.9 azothuthukisa ezemphilo ezindaweni zabantu, ukuphucula izibhedlela nokulwa nengculazi
- Amabhiliyon angu-10.4 amarandi abelwe ezokuthutha, imigwaqo kanye nojantshi bezitimela
- Amabhiliyon angu-7.2 azobhekana nokuphucula izindawo zokuhlala, izinhlelo zikamasipala nengqalasizinda yamanzi
- Ukuphuculwa kwasemaphandleni nokuxhaswa kwabalimi abasafufusa kubekelwe amabiliyon angu-2.8
- Ezentlakahle kanye nempesheni zizonikezwa amabhiliyon angu-8.9
- Impesheni yabadala kanye nabakhubazekile iyenyuswa ngomarandi ayishumi nesithupha (R60) ukuya ku R1 140 ngenyanga; umxaso wabantwana uzokwenyuka uye ku R260 ngoApril, uphinde unyuke ngoOctober uye kuR270
- Isikhwama esibhekele izintlekelele sihlomula ngamabhiliyon angu-1.8 amarandi, azonika izifunda noomasipala

EZENTELA

- Intelabantu izokwehla ngamabhiliyon angu 8.1 zamarandi
- Izonyukela kuR315 000 isamba semali esingakhokhelwa ntela esitholakala uma umuntu ethatha umhlala-phansi
- Iphakethe likasigilidi lizobiza ngaphezulu ngamasenti angu 80
- Ibhodlela likagologo lizonyuka ngo R2.73
- Ilitha yewayini lizonyuka ngamasenti angu 30
- Ibhodlela lika 750 amamililitha lizokhuphuka ngamasenti angu 6 kanti ikani lika 340 amamilimitha lizonyuka ngamasenti angu 6
- Intelabantu abazuze imali emidlalweni yokugembula engaphezulu kuka R25 000
- Intelabantu kuphethiloli nedizili izonyuka ngamasenti angu 10 ilitha, no 8 amasenti ngaphezulu ebhekene neRoad Accident Fund

IMALI YEZENTLAKAHLE

	2010/11	2011/12
Impesheni yabadala	1 080	1 140
Imali enikwa abakhubazekile	1 080	1 140
Imali esiza ukondla izingane	250	270
Imali enikwa ukubhekela izintandane	710	740
Imali yokubhekela abadinga ukunakekelwa	1 080	1 140
Imali yokubhekela amasosha asempeshenini	1 100	1 160

IMIZAMO EMISHA YOKUTHUTHUKISA EZEMFUNDU LA ENINGIZIMU AFRIKA

Uhulumeni uzimisele ukuphucula ezemfundo. Evula iphalamende, uMongameli Zuma umemezele izinto ezintathu ezibalulekile ukuphucula imfundo – othisha, izincwadi kanye nesikhathi. Uhulumeni uzoqikelela ukuthi othisha basemakilasini nesikhathi futhi bayafundisa okungenani amahora ayisikhombisa ngosuku.

Ukuze lelusu lisebenze uhulumeni kufanele andise isikhwama sezemfundo. Ingxene yesabelo sezimali eya kwezemfundo ngenkulu kunazozonke. Lokhu kusazoqhubeka. Uhulumeni wazi kahle ukuthi ukuze alwe nobubha kanye nokuntuleka kwemisebenzi, iNingizimu Afrika idinga abantu abafundile. Abantu abafundile bayakwazi ukuthola imisebenzi, baphucule izinga lezimpilo zabo kanye neminden yabo.


Imali engange 8.2 yamabhiliyon izosetshenziswa ukwakha izindlu zofundela. Abafundi abafundiselwa ezindlini ezifana nezothekwane bathola imiphumela embi kunaleyo yabafundi abanezindlu zofundela eziphucuzekile. Uhulumeni uphokophele ukuthi bonke abafundi bathole ithuba lokufundela ezikolweni eziphucuzekile.

Eminye imikhakha yemfundo ezohlomula okuthe xaxa yile:

- Isikhwama esinika othishela imifundaze (Funza Lushaka) sizokwandisa ngezigidi ezingu-596 zamarandi (R596 million), isamba esizosiza othishela abayizinkulungwane ezyishumi nanhanu namakhulu amabili neshumi nesikhombisa (15 217) eminyakeni emithathu ezayo
- Amabhiliyon angu-3.6 amarandi (R3.6 billion) azothasisela isikhwama esibolekisa ngemali siphinde sinike imifundaze kubafundi basemanyuvesi (National Student Financial Aid Scheme)
- Ukwenyusa inani labafundi emakolishi olwazi nokuqeleshwa (Further Education and Training), lamakolishi azokwandelwa isabelo sawo ngamabhiliyon angu-1.4 amarandi (R1.4 billion) eminyakeni emithathu ezayo
- Isikhwama semifundaze enikwa abafundi bamakolishi olwazi nokuqeleshwa sizokwandelwa isabelo saso ngamabhiliyon angu-3.9 amarandi (R3.9 billion)

Wonke umuntu – abafundi, othisha, abazali, umphakathi kanye nosomabhizini - kufanele afake isandla ukuze kwensiwe ngcono isimo sezemfundo.

IMALINI EZOSETSHENZISWA?



UKUNYUSA IQOPHELO LOKUPHILA KWABANTU BE NINGIZIMU AFRIKA

Ukuphuculeka kwezinga lempilo yezakhamizi zaseNingizimu Afrika kubaluleke kakhulu kuhulumeni. Yingakho nje uhulumeni. Ephokophele ukuthi wonke umuntu abe nempilo entle futhi ende. Kulesabelo sezimali sigixabeza ezemphilo amabiliyon angu 360.6 amarandi eminyakeni emithathu ezayo. Uhulumeni uzimisele ukuba iNingizimu Afrika ibenohlelo lokuvikela izakhamuzi zingangeni emgedeni wobubha. Ingxene yaloluhlelo ukusungulwa kwesikhwama sezemphilo kazwelone (National Health Insurance) okulindeleke ukuba sithathe iminyaka eyishumi nane (14 years) ezayo ukuba sibe umkhakha wezempilo ngokugcwile.

Isigaba sokuqala ekusungulweni kwalesikhwama kuzoba ukuphuculwa kwezemphilo ngendlela evikela abantu ezifweni kunokuba belashwe ngoba sebegula. Ukwenza lokhu, uhulumeni uzokwabela ezemphilo amabiliyon angu 1.2 amarandi (R1.2 billion). Lemali izosetshenziswa ukwakha amaqembu ahlanganisa abahlengikazi, odokotela kanye nezisebenzi zezemphilo zomphakathi.

Lamaqembu azonakekela imindeni lapho ihlala khona kanye nasezindaweni zomphakathi. Lesisamba sizobuye sisetshenziselwe ukuphucula izinga lokunakelela abagulayo ezibhedlela.

Ukuphendla indlela ebheke ekusungulweni kwalesikhwama umnyango wezemphilo uzothola imali ebhekene ngqo nalesikhwama; imali engamabhiliyon angu 1.7 amarandi kanye nesamba esizohlangabezana nokwakha ingqalasizinda yezemphilo.

Uhulumeni uyaqhubele nokulwa nengculazi. Kulesabelo sezimali umzamo wokulwa nengculazi uzokengezwa ngamabhiliyon angu 2.5 amarandi (R2.5 billion) ukuze ukwazi ukuhlola izakhamuzi kanye nokunika imishanguzo kulabo asebenegciwane. Lokhu kusho ukuthi isibalo sabantu abathola imishanguzo sizokwenyuka ezigidini ezingu 1.2 kulonyaka wezezimali ka 2010/11 sifinyelele ezigidini ezingu 2.6 ngoka 2013/14.

Imikhakha yezemphilo eqondene nabakhulelw, imidlezane kanye nezingane izohlomula ngamabhiliyon angu 1.4 amarandi (R1.4 billion) azosetshenziswa ukuqeleshwa abahlengikazi kanye nababelethisi abangamakhulu amane (400), ukuthuthukisa izindlu zabafundi abagulayo ezikoleni kanye nokuphucula amagumbi omama nezingane ezibhedlela zezemphilo.

Amabhiliyon angu 2.7 amarandi (R2.7 billion) abelwe ukuthuthukisa izindawo kanye nemishini yezemphilo izwe lonke.